

**Bosna i Hercegovina
Brčko distrikt BiH
URED - KANCELARIJA ZA
PREVENCIJU KORUPCIJE I
KOORDINACIJU AKTIVNOSTI
NA SUZBIJANJU KORUPCIJE**



**Босна и Херцеговина
Брчко дистрикт БиХ
КАНЦЕЛАРИЈА-УРЕД ЗА
ПРЕВЕНЦИЈУ КОРУПЦИЈЕ И
КООРДИНАЦИЈУ АКТИВНОСТИ
НА СУЗБИЈАЊУ КОРУПЦИЈЕ**

Trg Mladih broj 8 (zona IA), email: info@aktbd.ba
Трг Младих број 8 (зона IA), емаил: info@aktbd.ba

JEDINSTVENE SMJERNICE ZA IZRADU PLANOVA ZA BORBU PROTIV KORUPCIJE U ORGANIMA JAVNE UPRAVE I INSTITUCIJAMA BRČKO DISTRIKTA BIH

Brčko, septembar 2023. godine

SADRŽAJ:

UVOD.....	3
ZAKONODAVNI OKVIR U BORBI PROTIV KORUPCIJE U BRČKO DISTRIKTU BIH.....	4
STRATEŠKI OKVIR U BORBI PROTIV KORUPCIJE U BRČKO DISTRIKTU BIH	5
MEĐUNARODNI DOKUMENTI U OBLASTI BORBE PROTIV KORUPCIJE	6
PREGLED STANDARDIZOVANOG PROCESA KREIRANJA I IMPLEMENTACIJE PLANOVA ZA BORBU PROTIV KORUPCIJE U ORGANIMA JAVNE UPRAVE I INSTITUCIJAMA BRČKO DISTRIKTA BIH	6
STRUKTURA PLANA ZA BORBU PROTIV KORUPCIJE.....	7
I Tekstualni dio plana za borbu protiv korupcije	7
II Tabela pregled aktivnosti	7
MONITORING	10
OBRAZAC ZA IZVJEŠTAVANJE O IMPLEMENTACIJI PLANA ZA BORBU PROTIV KORUPCIJE.....	12

Na osnovu člana 9 stava (1) tačke j) Zakona o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH”, broj: 25/18) Kancelarija za prevenciju korupcije i koordinaciju aktivnosti na suzbijanju korupcije u Brčko distriktu BiH donosi:

JEDINSTVENE SMJERNICE ZA IZRADU PLANOVA ZA BORBU PROTIV KORUPCIJE U ORGANIMA JAVNE UPRAVE I INSTITUCIJAMA BRČKO DISTRIKTA BIH

UVOD

Prema Zakonu o Kancelariji za prevenciju korupcije i koordinaciju aktivnosti na suzbijanju korupcije (u daljem tekstu: Zakon o Kancelariji) „korupcija je svaka zloupotreba moći povjerena javnom službeniku i licu na političkom položaju, poslodavcu i radniku, koja može dovesti do privatne koristi tog lica, ili bilo kog drugog fizičkog ili pravnog lica. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, čime se narušava odgovarajuće obavljanje bilo kakve dužnosti ili ponašanje očekivano od primaoca mita“.

Korupcija je štetna društvena pojava koja narušava temeljne društvene vrijednosti. Korupcija je ozbiljan problem u savremenom svijetu koji je u različitim oblicima i razmjerama prisutan svugdje, pa i u ekonomski snažnim, demokratskim i organizovanim državama. Ona narušava razvoj tako što narušava vladavinu zakona, te oslabljuje institucionalne temelje od kojih zavisi ekonomski rast. Zbog toga je od velike važnosti jačanje integriteta, odgovornosti i transparentnosti u radu organa javne uprave i institucija, te jačanje povjerenja građana u njihov rad. Naime, pretpostavka za uspješnu borbu protiv korupcije je sprovođenje svobuhvatne političke, društvene i institucionalne reforme.

S tim u vezi, Kancelarija za prevenciju korupcije i koordinaciju aktivnosti na suzbijanju korupcije u Brčko distriktu BiH (u daljem tekstu: Kancelarija) je obavljajući aktivnosti iz svoje nadležnosti sačinila nacrt Strategije za borbu protiv korupcije u Brčko distriktu BiH 2022.-2024. godina (u daljem tekstu: Strategija) i nacrt Akcionog plana za sprovođenje Strategije za borbu protiv korupcije u Brčko distriktu BiH 2022.-2024. godina (u daljem tekstu: Akcioni plan) te je Vlada Brčko distrikta BiH na 75. redovnoj sjednici održanoj dana 05.10.2022. godine donijela Odluku o usvajanju Strategije za borbu protiv korupcije u Brčko distriktu BiH 2022.-2024. godina („Službeni glasnik Brčko distrikta BiH”, broj: 43/22) i Odluku o usvajanju Akcionog plana za sprovođenje Strategije za borbu protiv korupcije u Brčko distriktu BiH 2022.-2024. godina („Službeni glasnik Brčko distrikta BiH”, broj: 43/22).

Opšti cilj Strategije je da se korupcija, kao prepreka ekonomskom, socijalnom i demokratskom razvoju Brčko distrikta BiH, u najvećoj mogućoj mjeri otkloni, odnosno minimizira, te da se preventivnim djelovanjem ostvari značajan doprinos smanjenju nivoa korupcije u Brčko distriktu BiH i ojača povjerenje u rad Kancelarije.

Strategija se sastoji od četiri strateška cilja, koji se trebaju postići sprovođenjem Strategije, a to su:

1. Prevencija korupcije,
2. Suzbijanje korupcije,
3. Razvijanje svijesti o štetnosti korupcije i saradnja s civilnim društvom,
4. Koordinacija, monitoring i evaluacija antikoruptivnih aktivnosti.

Pomenuti strateški ciljevi su razrađeni kroz prioritete strateške programe, iz kojih proizilaze mjere za njihovo sprovođenje i koji se operacionalizuju kroz Akcioni plan sa precizno određenim aktivnostima, vremenskim rokovima, institucijama nadležnim za sprovođenje, indikatorima uspješnosti i potrebnim resursima.

Pojedinačni planovi za borbu protiv korupcije su konceptualno naslonjeni na Akcioni plan odakle se i javila potreba za kreiranjem Jedinjenih smjernica za izradu planova za borbu protiv korupcije u organima javne uprave i institucijama Brčko distrikta BiH (u daljem tekstu: Smjernice). Kreiranjem Smjernica stvaraju se uslovi za koordinisano djelovanje u oblasti prevencije korupcije i koordinacije borbe protiv korupcije, te ostvaruje kontinuitet standardizacije antikoruptivnih politika u Brčko distriktu BiH. Smjernice pružaju skup preporuka koje će omogućiti organima javne uprave i institucijama Brčko distrikta BiH da razvijaju pojedinačne planove za borbu protiv korupcije, u skladu sa nadležnostima, definisanim vremenskim rokovima i ulogom koju imaju u procesu sprovođenja Strategije i Akcionog plana.

Najvažnije aktivnosti u procesu donošenja planova za borbu protiv korupcije:

1. imenovanje lica u organima javne uprave i institucijama Brčko distrikta BiH koja će biti zadužena za komunikaciju i saradnju sa Kancelarijom,
2. uspostavljanje otvorenih komunikacijskih kanala za prijavu korupcije,
3. kreiranje planova integriteta,
4. sastanci i edukacije,
5. aktivnosti iz planova za borbu protiv korupcije, u skladu sa aktivnostima iz Akcionog plana i sa funkcionalnim nadležnostima svakog organa javne uprave i institucija Brčko distrikta BiH,
6. uspostavljanje sistema izvještavanja i kontinuirana saradnja sa Kancelarijom.

Smjericama za postupanje kontakt tačaka u ispunjenju antikoruptivnih zadataka, razmjeni informacija, izvještavanju i saradnji sa Kancelarijom za prevenciju korupcije i koordinaciju aktivnosti na suzbijanju korupcije u Brčko distriktu BiH je takođe opisan postupak donošenja planova integriteta i izvještavanje po istim.

ZAKONODAVNI OKVIR U BORBI PROTIV KORUPCIJE U BRČKO DISTRIKTU BIH

Zakoni koji direktno ili indirektno regulišu oblast borbe protiv korupcije u Brčko distriktu BiH su:

- Zakon o Kancelariji za prevenciju korupcije i koordinaciju aktivnosti na suzbijanju korupcije („Službeni glasnik Brčko distrikta BiH”, broj: 25/18);
- Zakon o zaštiti lica koja prijavljuju korupciju („Službeni glasnik Brčko distrikta BiH”, broj: 25/18);
- Zakon o Agenciji za prevenciju korupcije i koordinaciju borbe protiv korupcije („Službeni glasnik BiH”, broj: 103/09 i 58/13);

- Zakon o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta BiH”, broj: 04/21);
- Zakon o službenicima i namještenicima u pravosuđu Brčko distrikta Bosne i Hercegovine („Službeni glasnik BiH”, broj: 13/23-prečišćen tekst);
- Zakon o slobodi pristupa informacijama u Bosni i Hercegovini („Službeni glasnik BiH”, broj: 28/00, 45/06, 102/09, 62/11 i 100/13);
- Krivični zakon Brčko distrikta Bosne i Hercegovine („Službeni glasnik Brčko distrikta BiH”, broj: 19/20-prečišćen tekst);
- Zakon o krivičnom postupku Brčko distrikta BiH („Službeni glasnik Brčko distrikta BiH”, broj: 33/13-prečišćen tekst, 27/14, 03/19 i 16/20);
- Zakon o finansiranju političkih stranaka iz budžeta Brčko distrikta Bosne i Hercegovine („Službeni glasnik Brčko distrikta BiH”, broj: 29/04 i 14/07);
- Izborni zakon Brčko distrikta Bosne i Hercegovine („Službeni glasnik Brčko distrikta BiH”, broj: 17/08, 43/08 i 49/18);
- Zakon o javnim nabavkama („Službeni glasnik BiH”, broj: 39/14 i 59/22);
- Zakon o sprečavanju pranja novca i finansiranja terorističkih aktivnosti („Službeni glasnik BiH”, broj: 47/14 i 46/16);
- Zakon o Visokom sudskom i tužilačkom vijeću Bosne i Hercegovine („Službeni glasnik BiH”, broj: 25/04, 93/05, 48/07 i 15/08).

Relevantan normativni okvir, kojim su definisana i regulisana pitanja u vezi sa korupcijom ili koja su od značaja za borbu protiv korupcije, može se odrediti po sljedećim oblastima:

- krivično-materijalni propisi;
- krivično-procesni propisi;
- javne nabavke;
- javne finansije;
- sukob interesa;
- finansiranje političkih stranaka;
- slobodan pristup informacijama;
- izborni proces.

STRATEŠKI OKVIR U BORBI PROTIV KORUPCIJE U BRČKO DISTRIKTU BIH

Pored zakona, borbu protiv korupcije u Brčko distriktu BiH određuju i postojeće ili buduće strategije za borbu protiv korupcije i akcioni planovi za njihovo sprovođenje.

Strategija i Akcioni plan usmjereni su ka najvišim strateškim mjerama koje se odnose na oblast prevencije, otkrivanja, procesuiranja, koordinacije, represije, poboljšanja zakonodavnog okvira, povećanja kapaciteta institucija, obuka i podizanja javne podrške za borbu protiv korupcije. Takva orijentacija Strategije i Akcionog plana omogućava podizanje borbe protiv korupcije na viši nivo od kancelarijskog, koji se odvija na nivou Brčko distrikta BiH, tako što omogućava strateški, ujednačen i dovoljno širok okvir za usklađivanje strategija i akcionih planova za borbu protiv korupcije na tim nivoima vlasti.

Strateški dokumenti u borbi protiv korupcije u Brčko distriktu BiH:

- Strategija za borbu protiv korupcije u Brčko distriktu BiH 2022.-2024. godina i
- Akcioni plan za sprovođenje Strategije za borbu protiv korupcije u Brčko distriktu BiH 2022.-2024. godina.


MEĐUNARODNI DOKUMENTI U OBLASTI BORBE PROTIV KORUPCIJE

Kako su mnogobrojnim međunarodnim pravnim dokumentima i inicijativama uspostavljeni standardi u oblasti borbe protiv korupcije, namjera Brčko distrikta BiH je bila da izradom Strategije i Akcionog plana, iste u najvećoj mogućoj mjeri primijeni u Kancelariji.

Neki od najznačajnijih međunarodnih dokumenata u oblasti borbe protiv korupcije, koji su potpisani i ratifikovani od strane Bosne i Hercegovine, su:

- Krivično pravna konvencija o korupciji;
- Građansko pravna konvencija o korupciji;
- Konvencija Ujedinjenih nacija protiv transnacionalnog organizovanog kriminala (UNTOC) sa tri pripadajuća protokola;
- Konvencija Ujedinjenih nacija protiv korupcije;
- Konvencija Savjeta Evrope o pranju, traženju, zapljeni i konfiskaciji prihoda stečenih kriminalom i o finansiranju terorizma.

PREGLED STANDARDIZOVANOG PROCESA KREIRANJA I IMPLEMENTACIJE PLANOVA ZA BORBU PROTIV KORUPCIJE U ORGANIMA JAVNE UPRAVE I INSTITUCIJAMA BRČKO DISTRIKTA BIH



STRUKTURA PLANA ZA BORBU PROTIV KORUPCIJE

S obzirom na dosadašnja iskustva, tj. pojavu metodološke raznolikosti izražene u manjem procentu kod koncepta pojedinih planova za borbu protiv korupcije, prepoznat je visoki rizik kako u pogledu kvalitetne implementacije takvih dokumenata tako i u smislu njihovog monitoringa, evaluacije i izvještavanja o stepenu sprovođenja. Imajući u vidu navedeno, Kancelarija ovim Smjericama želi da standardizuje metodološki pristup izrade planova za borbu protiv korupcije čime će se osigurati da koncept ovih dokumenata ponudi konzistentnost, ujednačenost, mjerljivost i sprovodljivost.

U cilju ostvarivanja kontinuiteta u prevenciji korupcije, plan za borbu protiv korupcije potrebno je vremenski koncipirati u skladu sa vremenskim periodom sprovođenja Strategije za borbu protiv korupcije. Na ovaj način se osigurava direktna poveznica sa vremenskim rokovima predviđenim za sprovođenje aktivnosti iz Akcionog plana za predmetni period.

Plan za borbu protiv korupcije se sastoji iz dva dijela:

- I - Tekstualni dio;
- II - Tabelarni pregled aktivnosti koje će sprovesti institucija.

I Tekstualni dio plana za borbu protiv korupcije

Tekstualni dio plana za borbu protiv korupcije odnosi se na širi kontekst borbe protiv korupcije u Brčko distriktu BiH, kao i viziju organa javne uprave i institucija vezano za očekivani učinak realizacije plana za borbu protiv korupcije. Takođe, tekstualnim dijelom plana za borbu protiv korupcije potrebno je obuhvatiti i prezentaciju nadležnosti organa javne uprave i institucija, organizacionu strukturu i zakonodavni okvir.

Pored navedenog, sastavni dio ovog tekstualnog opisa je: definisanje pojma korupcije, odgovornost institucije u sistemu borbe protiv korupcije, vremenski okvir plana, obaveze i odgovornosti organizacionih jedinica organa javne uprave i institucija u smislu uloge u sprovođenju, finansijska projekcija implementacije i eventualni rizici u implementaciji plana za borbu protiv korupcije. Takođe, u tekstualni dio plana za borbu protiv korupcije potrebno je uvrstiti i definiciju korupcije iz Zakona o Kancelariji: „*Korupcija je svaka zloupotreba moći povjerena javnom službeniku i licu na političkom položaju, poslodavcu i radniku, koja može dovesti do privatne koristi tog lica, ili bilo kojeg drugog fizičkog ili pravnog lica. Korupcija posebno može uključivati direktno ili indirektno zahtijevanje, nuđenje, davanje ili prihvatanje mita ili neke druge nedopuštene prednosti ili njenu mogućnost, čime se narušava odgovarajuće obavljanje bilo kakve dužnosti ili ponašanje očekivano od primaoca mita*“.

II Tabelarni pregled aktivnosti

Tabelarni dio plana za borbu protiv korupcije treba da se sastoji od dvije kategorije aktivnosti:

- 1) Aktivnosti predviđene Akcionim planom (standardizovane i specifične),
- 2) Aktivnosti iz domena prevencije korupcije u širem smislu (organ javne uprave i institucija u skladu sa svojom vizijom i očekivanim učinkom kao i raspoloživim kapacitetima cijeni uvrštavanje određenih mjera u plan za borbu protiv korupcije).

Aktivnosti predviđene Akcionim planom su standardizovane aktivnosti, a koje po svom sistemskom karakteru mogu primijeniti svi organi javne uprave i institucije nadležne za sprovođenje. Druga kategorija su specifične aktivnosti koje su definisane Akcionim planom i koje se po svojim specifičnostima, odnose na određenu kategoriju organa javne uprave i institucija Brčko distrikta BiH, a u skladu sa njihovim funkcionalnim nadležnostima.

Strateški program 4.1.1.					
Imenovanje koordinatora antikoruptivnih aktivnosti u svim subjektima provođenja koji će biti u obavezi da saraduju i koordiniraju sa Kancelarijom					
Broj	Aktivnost	Provodioci	Rok za sprovođenje	Indikator uspjehnosti	Poterbni resursi
4.1.1.1.	Imenovanje kontakt i zamjenskih osoba u organima javne uprave i institucijama Brčko distrikta BiH	Kancelarija, organi javne uprave i institucije Brčko distrikta BiH	Prva godina sprovođenja Strategije	Imenovane kontakt i zamjenske osobe	Raspoloživi resursi/u skladu sa funkcionalnim nadležnostima

Primjer - Standardizovana aktivnost definisana Akcionim planom

Strateški program 4.1.1.					
Imenovanje koordinatora antikoruptivnih aktivnosti u svim subjektima provođenja koji će biti u obavezi da saraduju i koordiniraju sa Kancelarijom					
Broj	Aktivnost	Provodioci	Rok za sprovođenje	Indikator uspjehnosti	Poterbni resursi
4.1.1.2.	Standardizovati procedure razmjene informacija, izvještavanja i saradnje između Kancelarije i kontakt osoba u organima javne uprave i institucijama Brčko distrikta BiH	Kancelarija, Sektor za prevenciju korupcije	Prva godina sprovođenja Strategije	Utvrđene standardizovane procedure	Raspoloživi resursi/u skladu sa funkcionalnim nadležnostima

Primjer - Specifična aktivnost definisana Akcionim planom

Aktivnosti iz domena prevencije korupcije u širem smislu su aktivnosti koje organi javne uprave i institucije Brčko distrikta BiH, u skladu sa vlastitom procjenom potreba, uvrštavaju u plan za borbu protiv korupcije. To su aktivnosti koje se u principu odnose na borbu protiv korupcije, kao što je realizacija različitih edukacija posvećenih kodeksima ponašanja, slobodi pristupa informacijama itd.

Aktivnosti iz domena prevencije korupcije u širem smislu					
Mjera	Aktivnost	Provodioci	Rok za sprovođenje	Indikator uspješnosti	Poterbni resursi
1.	Javna kampanja za borbu protiv korupcije	Kancelarija	Druga godina	Oglašavanja putem web stranice Kancelarije i medija	Potrebno je osigurati dopunska sredstva

Primjer - Aktivnosti iz domena prevencije korupcije u širem smislu

S obzirom da plan za borbu protiv korupcije treba da obuhvata aktivnosti propisane Akcionim planom potrebno je da se plan borbe protiv korupcije usvoji na period na koji je usvojen i Akcioni plan (s obzirom da je Akcioni plan usvojen na period 2022.-2024. godina, a ove Smjernice važe od 2023. godine, plan za borbu protiv korupcije potrebno je vremenski koncipirati na dvogodišnji period 2023.-2024. godina).

Unificirani tabelarni pregled aktivnosti sastoji se od rubrika: broj/mjera organa javne uprave i institucije, aktivnost, provodilac (organizaciona jedinica ili službenik), rok za sprovođenje i indikator uspješnosti. Zavisno od vrste aktivnosti i određenog nosioca realizacije, organi javne uprave i institucije će popunjavati rubrike na način prikazan u Tabeli broj 1.

Prevenција korupcije					
Broj/Mjera	Aktivnost	Provodioci	Rok za sprovođenje	Indikator uspješnosti	Poterbni resursi
3.1.3.1.	Vršiti obuke javnih službenika i dr. subjekata u Brčko distriktu BiH u vezi sa aktivnostima borbe protiv korupcije	Kancelarija, Sektor za prevenciju korupcije	Kontinuirano	Redovno sprovođenje obuka u vezi sa pitanjima suzbijanja korupcije	Raspoloživi resursi/u skladu sa funkcionalnim nadležnostima
3.2.1.3.	U saradnji sa medijima sprovođiti projekte o štetnosti korupcije u Brčko distriktu BiH	Kancelarija, Sektor za prevenciju korupcije i Sektor za koordinaciju aktivnosti na suzbijanju korupcije	Kontinuirano od druge godine sprovođenja Strategije	Podizanje svijesti građana o štetnosti korupcije	Raspoloživi resursi/u skladu sa funkcionalnim nadležnostima

Tabela broj 1 – Unificirana tabela aktivnosti planova za borbu protiv korupcije

MONITORING

Planovi za borbu protiv korupcije odražavaju strateško opredjeljenje institucije za efikasnu prevenciju korupcije, te na operativnom nivou, definišu set mjera i aktivnosti sa ciljem postizanja očekivanih rezultata. Kako bi se osiguralo ujednačeno postupanje organa javne uprave i institucija Brčko distrikta BiH u domenu prevencije korupcije, a sa fokusom na implementaciju Akcionog plana neophodno je u skladu sa zakonom osigurati efikasan sistem monitoringa sprovođenja planova, kako nadležnih institucija za sprovođenje, tako i Kancelarije.

Monitoring sprovođenja planova za borbu protiv korupcije podrazumijeva preduzimanje kontinuiranih aktivnosti na praćenju i evaluaciji stepena implementacije pojedinačnih mjera i aktivnosti. Svrha praćenja i evaluacije nije samo prikupljanje podataka o napretku ili neuspjesima u sprovođenju aktivnosti na planu suprotstavljanja korupciji, nego i preduzimanje mjera kako bi se uklonili ili umanjili nedostaci, te identifikovali novi elementi koji bi se ugradili u postojeće ili nove strateške mjere s ciljem što efikasnije prevencije korupcije.

Monitoring je baziran prije svega na procesu izvještavanja Kancelarije kao centralne tačke za koordinaciju sprovođenja planova za borbu protiv korupcije, u realnom vremenu, putem Obrasca za izvještavanje o implementaciji Plana za borbu protiv korupcije.

Nosioci aktivnosti u procesu izvještavanja i razmjene informacija su kontakt tačke na nivou organa javne uprave i institucija Brčko distrikta BiH.

Na osnovu analize dostavljenih podataka organa javne uprave i institucija Brčko distrikta BiH nadležnih za sprovođenje pojedinačnih aktivnosti i mjera, koja će biti bazirana na uporednoj analizi indikatora uspješnosti i statusa realizacije, Kancelarija će shodno zakonskim nadležnostima i uočenim potrebama, preduzimati sljedeće aktivnosti:

- organizaciju radnih sastanaka u smislu verifikacije raspoloživih podataka o stepenu implementacije plana za borbu protiv korupcije;
- davanje mišljenja i preporuka za sprovođenje aktivnosti i mjera s ciljem što efikasnije implementacije;
- obavještavanje ključnih nosilaca aktivnosti i menadžmenta organa javne uprave i institucija Brčko distrikta BiH o rezultatima analize stepena implementacije aktivnosti i mjera definisanih planom, uz eventualno dostavljanje inicijativa u pravcu što efikasnijeg sprovođenja plana.

Moguće prepreke i rizici u procesu donošenja i implementacije planova za borbu protiv korupcije:

- Usporavanje donošenja i primjene planova za borbu protiv korupcije od strane rukovodilaca u organima javne uprave i institucijama Brčko distrikta BiH,
- Nedovoljna samostalnost,
- Nedovoljna angažovanost subjekata sprovođenja,
- Nedostatak resursa,
- Nedostatak sistematičnosti i koordinacije,
- Kompetentnost subjekata sprovođenja.

S ciljem uspostavljanja standardizovanog sistema izvještavanja, na web stranici Kancelarije www.aktbd.ba biće dostupan online „Obrazac za izvještavanje o implementaciji Plana za borbu protiv korupcije“, koji će organi javne uprave i institucije Brčko distrikta BiH koristiti kod dostavljanja podataka i informacija o implementaciji plana za borbu protiv korupcije.

Rukovodioci organa javne uprave i institucija dužni su donijeti plan za borbu protiv korupcije u roku od 30 dana od dana donošenja Jedinostvenih smjernica za izradu planova za borbu protiv korupcije u organima javne uprave i institucijama Brčko distrikta BiH.

Kako bi se obezbijedila transparentnost, te promovisanje otvorenosti i javnosti u radu, organi javne uprave i institucije Brčko distrikta BiH, plan borbe za borbu protiv korupcije će objaviti na službenoj web stranici organa javne uprave i institucija Brčko distrikta BiH.

**OBRAZAC ZA IZVJEŠTAVANJE O IMPLEMENTACIJI
PLANA ZA BORBU PROTIV KORUPCIJE**

Strateški cilj:	
Strateški program:	
Aktivnost:	
Mjera po vlastitoj potrebi organa javne uprave i institucija:	
Vremenski rok:	
Institucije nadležne za sprovođenje:	
Indikatori uspješnosti:	
Status realizacije:	<i>Realizovano</i> <input type="checkbox"/> <i>Nije realizovano</i> <input type="checkbox"/> <i>Realizacija u toku</i> <input type="checkbox"/>
Informacije o realizaciji aktivnosti:	